



Pou Piblikasyon Imedya: 14/03/2022

GOUVÈNÈ KATHY HOCHUL

**GOUVÈNÈ HOCHUL AK PROKIRÈ JENERAL JAMES DEPOZE AKSYON AN JISTIS
NAN TRIBINAL SUPPRÈM POU ANPECHE NEW JERSEY METE FEN
NAN KOMISYONLITORAL LA**

Eta New York depoze plent kont Eta New Jersey nan Tribunal Siprèm Etazini an k ap chèche enjonksyon pou anpeche disolisyon Komisyon fòs lòd de Eta a

Retrè New Jersey nan kontra a ta lakòz yon domaj imedyat ak ireparab nan New York

Jodi a Gouvènè Kathy Hochul ak Pwokirè Jeneral Letitia James [te depoze aksyon an jistis](#) nan Tribunal Siprèm Etazini an pou anpeche New Jersey mete fen nan Komisyon Litoral (Waterfront Commission) la ki kreye pa New York ak New Jersey pou pò ke de eta yo pataje. Plent lan envoke jiridiksyon Tribunal Siprèm lan pou chèche yon jijman deklaratif ak alafwa enjonksyon preliminè ak pèmanan pou entèdi New Jersey vyole Kontra Komisyon Litoral la ant New York ak New Jersey ki apwouve pa kongrè a. Retrè New Jersey ta gen anpil chans lakòz domaj imedyat ak ireparab nan New York, sa ki lakòz ogmantasyon aktivite kriminèl, pi wo pri sou machandiz k ap rantre yo, ak inegalite rasyal ak seksyèl nan anbochaj nan pò a.

"Pwoteje sekrite Nouyòkè yo ak endistri enpòtan nou yo se pi gwo priorite mwen, epi nou pa ka oze nou pou n pèdi otorite ak ekspètiz inik Komisyon Litoral la nan konbat krim nan pò nou an", **Gouvènè Hochul te deklare.** "Lè nou konsidere ensètitid jewopolitik aktyèl la, mete fen nan Komisyon Litoral la ta lakòz domaj imedyat ak ireparab nan Eta New York, soti nan ogmantasyon krim pase nan pi wo pri rive nan inegalite anplwa. Se responsabilite nou anvè Nouyòkè yo pou nou sispann aksyon ilegal New Jersey yo epi prezèv travay kontinyèl ajans fòs lòd sa a."

"Pandan plizyè deseni, Komisyon Litotal la se yon patenarya enpòtan pou kenbe pò nou yo ak kominote nou yo an sekrite", **Pwokirè Jeneral James te deklare.** "Tantativ New Jersey fè pou mete fen nan komisyon sa a ilegal, mal konseye, epi li vyole efò nou yo pou fè restriksyon sou krim. Depi lontan komisyon sa a pwouve ke li se yon fòs nesesè pou derasinen koripsyon ak krim òganize, epi nou pral sèvi ak tout zouti ki a dispozisyon nou pou asire pouvwa li ete entak epi kominote nou yo benefisyé travay enpòtan li yo."

Komisyon Litoral de eta a te kreye an 1953 pou adrese krim òganize nan pò a ki kouvrir zòn nan tou de eta yo. Pandan plis pase 60 ane, Komisyon an te travay pou envestige, dekouraje, konbat, ak remedye fas ak aktivite ak enfliyans kriminèl epi asire anbochaj ak pratik travay ki jis nan pò a. Komisyon an te gen anpil siksè, ki gen ladan bay asistans inik nan de eta a nan envestigasyon federal ak eta a yo, epi li se yon ajans fòs lòd ki enpòtan anpil k ap fè travay enpòtan nan konbat krim òganize ak krim vyolan.

Travay Komisyon an lwen pou li fini. Envestigasyon Komisyon an kontinye ap lakòz kondanasyon moun ki asosye ak fanmi krim òganize, sezi dwòg ak zamafe ilegal, ak sezi lajan ki sòti nan trafik dwòg ilegal, prè kout ponya, ak jwèt aza. Tantativ antrepriz krim òganize yo pou enfliyanse tou de bò pò a ap kontinye.

Moun ki konekte ak krim òganize oswa lòt antrepriz koripsyon yo souvan rekonpanse ak pakè konpansasyon espesyal ki byen peye, ki mwens vizit oswa san travay. Pake konpansasyon espesyal sa yo gen yon enpak ekonomik prejidis sou pò a ak zòn metropolitèn New York la. Komisyon an sipèvize lisans ak anrejistreman mendèv Litoral la, ki gen ladan tchèk antesedan pou anpeche moun ki gen lyen ak mafya rantre nan mendèv la, epi tou travay avèk anplwayè yo ak lidèchip sendika yo pou asire anbochaj ak pratik travay ki jis ak san diskriminasyon nan pò a. Komisyon an se depo santral entèlijans ki gen rapò ak kriminèl ak enfliyans krim òganize nan pò a. Nan seleksyon travayè potansyèl yo, Komisyon an anplwaye teknik envestigasyon sofistike non sèlman pou detekte kriminalite anvan yo, men tou pou derasinen asosyasyon ant kandida potansyèl frekan nan litoral la ak figi krim òganize ak kriminèl karyè yo.

Afebli oswa finalman mete fen nan kapasite Komisyon an pou mennen ankèt kriminèl ak tchèk antesedan epi kontwole anbochaj, anrejistreman, ak lisans anplwaye litoral yo pral gen anpil chans ogmante opòtinite pou moun ki asosye ak antrepriz krim òganize yo jwenn travay nan pò a oswa otremans egzèse kontwòl sou operasyon pò yo. Sa ka lakòz ogmantasyon opòtinite pou pò a sèvi ak aktivite kriminèl, tankou enpòtasyon ak distribisyon kontrebann danjere—ki gen ladan nakotik ak zam. Ogmantasyon aktivite kriminèl nan pò a ta gendwa lakòz tou yon ogmantasyon pri pou machandiz ki ap pase nan pò a ak nan New York ak nan rejon ki antoure a.

Otorite ak ekspètiz inik Komisyon an esansyèl pou sipèvize aktivite sou tou de bò pò a. Malgre nesesite pou Komisyon an kontinye travay li san antrav, New Jersey te deklare ke li gen entansyon fè retrè nan kontra a yon fason inilateral epi mete fen nan Komisyon an. Aksyon New Jersey a ta vyole lwa federal la, epi eta a pa gen pouvwa pou aboli Komisyon an san konsantman New York, paske kontra a se alafwa yon kontra kontrenyan ak yon lwa federal, epi kondisyon li yo prevwa ke li ka amande sèlman pa lejislasyon konkòdan ki adopte pa tou de eta yo.

Konplent ki te depoze nan Tribunal Siprèm lan mande pou tribunal la entèdi New Jersey preliminèman ak pèmanan pou li pa pran okenn aksyon pou avanse retrè inilateral li a epi deklare nenpòt aksyon sa yo ilegal epi anile nan mezi pou konsève ak pwoteje Komisyon Litoral la ak akò ant eta ki te kreye li a.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)